


吉440



597.1


部-:6



19
20
21
22
23
24
25
26
27
28
29
30
31
32
33
34
35
36
37
38
39
40
41
42
43

地411
5972
26
部二





寶刻叢編卷第十一

海豐吳式芬校刊

宋錢塘陳思纂次

陝西秦鳳路

鳳翔府

秦州

涇州


熙州

隴州

成州

渭州

階州



寶刻叢編卷十一

河州

蘭州

河東路

太原府

潞州

晉州

絳州

汾州

澤州


嵐州


河東路化外州

蔚州

朔州

按此卷全缺





上海陸成沅校字

寶刻叢編卷第十三

海豐吳式芬校刊

宋錢塘陳思纂次

淮南東路


揚州


亳州

宿州

楚州

按以上四州原缺





海州

領縣四 朐山 懷仁 沭陽 東海

漢東海相桓君海廟碑

碑云惟永壽元年春正月有漢東海相桓君又
云熹平元年夏四月東海相山陽滿君其餘文
字完者尚多大略記修飾祠宇事而其銘詩有
云浩浩滄海百川之宗知其為海廟碑也桓君
與滿君皆不著其名莫知為何人碑在今海州

金石錄

碑靈帝熹平元年立在海州永壽元年東海相
南陽君崇飾殿宇起三樓作兩傳其掾屬何俊

左榮欲爲鑄石而南陽君止之厥後山陽滿君
踵其武嘉歎勛績作爲碑頌而二君名皆淪滅
矣別有數句載秦東門事乃頌所謂倚傾之闕

按以上十四
行原闕今補

者碑錄胸山有秦始皇碑云漢東海相任恭修
祠刻于碑陰似是此也任君當又在滿君之後
南陽之役更十八年後人猶頌其美則規模決
非苟然者予官京口日將士往來胸山者云海
廟一椽不存自今非四十年前舊物不復見此
刻矣歐陽公時天下一家漢碑雖在遐陬窮谷
無脛而可至集古錄中已屢言難得爲可寶況

今乎

錄釋

唐大雲寺碑

唐海州刺史李邕撰并書寺舊謂之確師禪房
僧慧藏增葺之碑以開元十一

按原
作二年四月立

集古
錄目

初武后時有僧上大雲經陳述符命遂令天下
立大雲寺至開元二十六年詔改爲開元寺此
碑十一年建故猶稱大雲也

金石
錄

唐孔子老子顏子贊

唐睿宗撰李邕行書開元十一年十二月立

金石
錄

按以上十七行原
錯在十卷同州後

泗州

滁州

真州

淮南西路

壽春府

廬州

蕪州

和州

舒州


濠州

光州

黃州

無為軍

按以上十二
州軍原缺



上海陸成沅校字

寶刻叢編卷第十三

海豐吳式芬校刊

宋錢塘陳思纂次

兩浙東路

越州

大都督紹興府春秋為越國之都秦屬
 會稽郡漢因之東漢置會稽郡乃自吳
 縣徙治山陰晉宋齊梁陳皆因之宋兼
 置東揚州尋廢梁復置東吳州隋平陳
 郡廢改州曰吳州大業初置越州尋廢
 置會稽郡唐復為越州天寶元年曰會
 稽郡升為鎮東軍
 皇朝因之統縣八
 會稽山陰刻
 餘姚上虞蕭山
 諸暨新昌

秦會稽山刻石

史記秦始皇本紀云上會稽祭大禹望於南海

而立石刻頌秦德越絕書云始皇以三十七年
東遊會稽以正月甲戌到越畱舍都亭取錢塘
浙江岑石石長丈四尺南北面廣六尺西面廣
尺六寸按原刻文立作六於越東山上其道九
曲去越二十一里水經云秦始皇登稽山刻石
紀功尙在山側孫暢之述征記云丞相李斯所
篆也梁書竟陵王子良爲會稽太守范雲爲主
簿雲以山上有始皇刻石三句一韻多作兩句
讀之並不得韻又其字皆大篆人多不詳雲夜
取史記讀之明日登山讀之如流張守節云會
稽山刻李斯書其字四寸畫如小指圓鑄今文

字整頓是小篆字予嘗上會稽東山自秦望之
山巔並黃茅無樹木其山側有三石筍中有水
一泓別無他石石筍並無字復自小逕別至一
山俗名鷺鼻山山頂有石如屋大中間插一碑
於其中文皆爲風雨所剝隱約就碑可見缺書
如禹廟沒字碑之類不知此果岑石歟非始皇
之力不能插於石中此山絕險罕有至者得一
採葍者引之至耳非爲碑也或云大篆或云小
篆皆不可考姚寬叢語

禹廟窆石銘

漢窆石銘永建元年五月

金石錄

禹廟窆石遺字直竇文閣王順伯復齋金石錄
定為漢刻舊經云禹葬于會稽取此石為窆

漢曹娥孝女碑

漢度尚所立邯鄲淳文諸道石刻錄

在會稽縣東南七十二里按後漢書云元嘉元年縣長度尚改葬娥為立碑會稽典錄云尚弟子邯鄲淳字子禮時甫弱冠而有異才尚先使魏朗作曹娥碑文成未出會朗見尚尚與之飲宴而子禮方下督酒尚問朗碑文成朗辭不才因試使子禮為之操筆而成無所點定朗嗟嘆

不暇遂毀其草其後蔡邕又題八字曰黃絹幼婦外孫壘白其碑歲久字多訛缺至景德中重

立會稽志

漢石經遺字

在州治蓬萊閣諸道石刻錄

晉黃庭經

凡三本無書人名氏前二本大約相類題云永和十二年山陰縣寫石在越州後一本其後不完不知石所在集古錄目

齊桐柏山金庭館碑

南齊征虜將軍南清太守司徒左長史揚州錄

事沈約造揚州刺史驃騎記室倪珪之書據記
稱永泰中定居桐柏嶺因地名建館曰金庭宮
命置道士十人而已爲之首蓋道士自敘之言
非約所撰其謂之造者疑如後世所云立碑之
類爾碑以永元三年立集古錄目
在剡縣東南七十二里本觀內齊永元三年正
按金石錄訪碑三月七日立

隋禹廟碑

隋史陵正書大業二年五月立其文字磨滅十
五六而其末隱隱可辨云會稽郡缺二史陵書
筆法精妙不減歐虞按張懷瓘書斷云稽遂良

嘗師史陵蓋當時名筆也今此碑磨滅而僅存

世之藏書者皆未嘗有非余收錄之富則遂不

復見於世矣金石錄

唐虞世南碑

貞觀二年閏二月五日立在會稽縣南二十里
訪碑錄

唐龍泉寺碑

唐虞世南撰布衣董夔重書沙門好直篆額大

周天授二年立大和六年再建在餘姚諸道石刻錄

唐密州司馬康遂誠墓誌

行書不著書撰人名氏君諱遂誠字筠會稽山

陰人仕至密州司馬長壽二年四月二十日卒
以三年正月二十四日與夫人柳氏同歸窆于
籬渚山之舊塋新增

唐賀知章二告

一延和元年八月

一開元四年八月政和辛卯摹勒上石復齋碑錄

唐龍瑞宮記

唐賀知章撰并正書開元二年立諸道石刻錄

唐高行先生徐師道碣

唐姚奕撰序賀知章銘子嶠之書開元十一年

四月立金石錄

唐香巖寺碑

唐銀青光祿大夫康希鈺撰趙州刺史東海徐
嶠之書香巖寺者本梁賈思舊宅其妻捨克梵
宇舊名同惠神龍中請而署焉碑以開元十一

年六月立新增

唐秦望山法華寺碑

唐李邕撰并書開元二十二年十二月金石錄

唐康公夫人許氏墓誌

唐王壽撰褚庭誨正書天寶五載五月二十五

日立復齋碑錄

唐宇文顥山陰述

唐寶公衡撰杜陵史懷則分書并篆額天寶十
三載甲午夏四月立在山陰復齋碑錄

懷則與惟則同時必其兄弟也惟則以八分著
名懷則之書蓋不滅惟則而初不見稱於當時
者豈非其位不顯乎以此知士負其藝能或以
垂名於不朽或遂湮沒而無聞者蓋亦有幸不
幸也若懷則之書非見錄於余則遂泯沒于後
矣金石錄

唐法華寺无儼律師碑

唐前秘書省正字萬齊融撰武部郎中徐浩書
律師姓徐氏諸暨人居越州法華寺碑以天寶

十五年六月立集古錄目

唐休先寺法真師行業贊

唐王燧按一作遂撰洪元睿按通志略作睿集王羲之行書

天寶十五年立在餘姚諸道石刻錄

唐龍泉寺常住田碑

唐萬齊融撰范的書諸道石刻錄

唐徐浩先塋題記

唐徐浩正書大曆九年十月金石錄

唐題寶林寺詩

唐會稽公徐浩撰并書集古錄目

唐謁禹廟詩

唐徐浩撰并書

訪碑錄

按寶林寺禹廟二詩又見東京考古刻叢鈔有熙寧間召亢跋云石今在京師宣獻宋公家僕領浙東從次道得刻本摹置郡齋者即此本也

唐台州刺史康希銑碑

唐顏真卿撰并書大曆十二年立在離渚宮遺

匠摹本為村民擊碎

諸道石刻錄

唐南鎮會稽山神永興公祠堂碣

唐試左衛威兵曹參軍羊士諤撰試太子正字

韓杼

按通志略作特墨池編作梓

材書韓芳明篆額唐封會

稽山神為永興公貞元元年奉詔禱祠作此銘

無刻石年月

按原缺書名寶刻類編作貞元九年輿地碑目作元年

唐嘉祥寺大覺禪師影堂記

唐崔元翰羊士諤書貞元九年

諸道石刻錄

唐復禹廟冠

按通志略作衰冕記

唐崔及撰馬積

按通志略作積類編作禎

正書元和三年

按通志略

作五類編作二

年十月立在城東禹廟內

諸道石刻錄

唐禹廟詩

唐浙東觀察使越州刺史薛萃

按原作萃下同

詩不著

書人名氏萃初至鎮易禹廟金紫服以冠冕後

因祈雨作此詩其和者鹽鐵轉運崔述等凡十

七首

集古錄目

唐杭州司士盧君第二女墓表

寶刻叢編卷三

越州

七

唐林賈詞元和六年秋八月庚寅立復齋碑錄

唐建南鎮按金石錄作鎮南碣記

唐孟簡撰陳構正書元和十年十月金石錄

唐孔子弟子贊

唐明皇源乾曜盧從愿李杭元行冲張嘉貞宋

璟陸餘慶姚元崇蘇頲裴瓏撰正書無名氏篆

額元和十年十二月刺史孟簡立在州學復齋碑錄

唐庾肩吾孟簡經禹廟詩

唐庾肩吾孟簡撰謝楚行書按金石錄作庾肩吾撰孟簡立行書

無姓名元和十一年八月復齋碑錄

唐禹穴碑

唐鄭魴序元稹銘韓杼按通志略作杼材行書

寶麻二年九月立金石錄

唐春分按簡陽明洞天并繼作

唐元威明白居易撰王濤分書劉蔚篆額大和

三按原年正月十五日立在龍瑞宮復齋碑錄

唐杜義墓誌

沙門缺義按古刻叢述大和三年四月二十四

日葬復齋碑錄

唐寧賁禪師塔銘

唐沈的撰并行書沙門潭鏡八分書額大和五

年九月建在山陰縣界昭福寺復齋碑錄

唐大龍興寺惠崇大師碑

釋好直述門人宗易行書大和五年十月十五

日建在餘姚復齋碑錄

唐法華寺詩

唐越州刺史李紳撰徐浩書大和八年刻集古錄目

唐李紳撰後自序題云大和甲寅歲遊寺刻詩

于壁詳自序所言似紳自書然以端州題名較

之字體殊不類集古錄

唐修龍宮寺碑

唐李紳撰行書無姓名大和九年四月立金石錄

唐王士倫墓誌

大和九年終於暨陽諸道石刻錄

唐修阿羅漢塔記

沙門知按類編作前白述王辭正書開成二年九月

八日立復齋碑錄在餘姚

唐越州都督府戶曹參軍齊君墓誌

樂安蔣璟撰無書人姓名開成三年正月終四

月寔于會稽玉笥山之南原復齋碑錄

唐開元觀夏尊師墓誌

唐何得一述正書無姓名會昌元年二月十九

日卜宮於陶朱峯在諸暨復齋碑錄

唐尊勝經幢

唐奚辨行書會昌元年六月復齋碑錄

唐五大夫市新橋記

唐周援書會昌三年月屬無射二十有九日建

在會稽虞江之東按原缺書名

唐賜李褒改大中禹迹寺勅

大中復齋碑錄年刻

唐戒珠寺記

唐衢州刺史趙璘撰貝靈該八分寺以會昌中

被廢宣宗初復立碑以咸通元年正月立集古錄目

唐大慶寺衆足按類編作尼粥田記

唐裴澹述王隨正書并額咸通三年十月二十

七日立按原缺書名

唐平察微墓誌

咸通三年八月窆于陶朱鄉赤山之崗諸道石刻錄

唐瑯琊王子琚墓誌

唐李修撰陳邕行書咸通三年十一月二十日

在上虞復齋碑錄

唐彭城劉府君墓誌

唐楊珪撰咸通十年在諸暨按原缺書名

唐大慶寺復寺記按容齋隨筆孫汝玉記

唐貝靈該八分書并篆額咸通十一年二月二

十日立復齋碑錄

唐魏綯府君墓誌

唐陳子蘊撰正書無姓名咸通十一年十一月

一日刻按原缺
書名

唐尊勝經幢

唐王錫書并鐫字咸通十三年八月聞人銖等

造在戒珠寺復齋
碑錄

唐尊勝經幢

唐王修已書咸通十五年復齋
碑錄

唐尊勝經幢

唐陳靈欣書咸通十五年復齋
碑錄

唐浙東都團練董翊墓誌

唐魯郡祝知微撰正書無姓名翊字正臣乾符

四年終在山陰按原缺
書名

唐平陽霍夫人李氏墓誌

乾符六年復齋
碑錄

唐滕夫人墓誌

廣明元年復齋
碑錄

唐侯官令魏公墓誌

袁缺述中和元年復齋
碑錄

唐立晉王右軍祠堂記

從十一代孫師乾撰無書人名氏按類編作
范詢書在

城內戒珠寺諸道石
刻錄

雲門寺畫華嚴經變讚

馬鴻鸞纂田琦分書復齋碑錄

石氏所刻歷代名帖

周穆王吉日癸巳

蔡邕石經遺字

鍾繇力命表

鍾繇墓田丙舍帖

王右軍蘭亭記

黃庭經遺字

海字樂毅論

東方先生畫像贊

獻之十三行洛神賦

晉賢書曹娥碑

集王書筆陣圖

歐陽詢書心經

褚遂良草陰符經

褚遂良小字陰符經

虞世南破邪論序

顏魯公寒食帖

顏魯公論座位帖

顏魯公祭伯父文

顏魯公祭姪文

顏魯公馬伏波帖

顏魯公鹿脯帖

柳公權清淨經

柳公權消災經


柳公權泥甚帖


白樂天詩簡

祕閣續帖十卷蘭亭續帖六卷

在州學

按以上十六行原
復見七卷京兆府





婺州

春秋戰國皆屬越秦屬會稽郡二漢因之吳孫皓分置東陽郡晉宋齊因之梁置金華郡陳因之隋平陳郡廢置婺州以當天文婺女之分為名大業初州廢復置東陽郡唐武德四年置婺州天寶元年曰東陽郡石晉升武勝軍節度皇朝淳化元年改寶寧軍今縣七
永康 武義 浦江 義烏 蘭溪

梁智者法師碑

梁太子綱撰天監中武帝執弟子禮大同光按

字羨文或是元年
二字誤作光中
中歸寂諸道石刻錄

陳善慧大士碑

陳侍中尚書左僕射領大著作徐陵撰陳大建

五年太歲癸巳七月五日書吳興吳文純刻字
碑陰紀大士問答語并題眷屬檀越弟子名復齋

錄碑

陳善知閣黎碑

陳待中金紫光祿大夫王名缺撰大建五年立

諸道石
刻錄

陳惠集法師碑

陳大建六年尚書左僕射領國子祭酒豫州大

中正周宏正撰諸道石
刻錄

唐赤松巖寺碑

唐進士劉處仁撰垂拱四年六月立諸道石
刻錄

唐寶嚴院千歲和尚碑

僧宗一撰開元二年四月立諸道石
刻錄

唐張長史千文

乾元二年復齋
碑錄

唐涼泉寺碑

僧法珪撰蔣巒行書大曆十年三月八日按原
缺書

名

唐東陽令戴叔倫去思頌

唐陸長源撰李秋實八分書興元二年五月二

十八日建在本縣學復齋
碑錄

唐溫州安固令王懷瓚墓誌

正書無書撰人姓名貞元十三年十一月甲申

寔於郡城復齋碑錄

唐靈隱寺東峯新亭記

唐馮宿撰釋乾覺正書貞元十七年十一月七

日己丑建在蘭溪復齋碑錄

唐普安院左溪大師碑銘

唐檢校吏部員外郎李華撰孫按類編作劉承劍毛

如浦等行書篆額大和九年十二月二十五日

立在浦江復齋碑錄

唐法華寺碑

唐鄭路撰陳修古正書并篆額會昌二年正月

立在東陽復齋碑錄

唐法隆寺經幢

大中十一年立諸道石刻錄

唐盧府君廟記

大中十一年立諸道石刻錄

唐轉輪經藏記

刺史裴翻撰咸通八年立諸道石刻錄

太平寺尊勝經幢

唐何重瓊書咸通六年五月立石刻錄○按以下所引石刻錄

疑即諸道石刻錄脫去二字

唐俱胝院石幢記

唐陳孝恭撰咸通十年八月立石刻錄

唐崇建寺重雲大師真身記

唐進士李象撰李衢篆額乾符三年立復齋碑錄

唐武威使按輿地碑目作侯廟記

唐進士唐巖撰廣明元年二月立石刻錄

唐再建大廳記

唐前福州觀察支使沈光撰廣明二年十月立

石刻錄

唐還珠記

唐浙東觀察使元稹按原作積撰石刻錄

唐聖壽寺碑

唐拾遺綦毋潛撰石刻錄

唐和安寺碑

唐明州鄞縣尉郡按郡疑邵之譌朗撰石刻錄

唐西安寺碑

唐右庶子致仕滕白撰石刻錄

後唐鶴巖院記

清泰三年七月立在金華諸道石刻錄

晉樂安院記按輿地碑目作萬安禪院碑

僧慧月撰僧紹清正書晉天福八年十一月十

八日立在蘭溪復齋碑錄

晉興法院記

開運三年七月立石刻錄

漢靈應鐘銘

乾祐五年石刻錄

周明昭院禪主和尚壽塔記

大理評事章仁安撰廣順三年六月立在武義

石刻錄

周普濟院記

張廷拱撰顯德三年按輿地碑目作二年立在義烏石今

七石刻錄

周永寧院記

進士張安世撰顯德四年四月立在蘭溪石刻錄

明州

秦屬會稽郡漢已降因之唐開元二十六年採訪使者齊幹奏以越之鄞縣置以境有四明山為名天寶元年曰餘姚郡朱梁升為望海軍節度皇朝建隆二年改奉國軍今縣六

鄞 奉化 慈溪
定海 象山 昌國

唐小字道德經

唐明皇注八分書不著名氏開元二十七年立

集古錄目

小字八分書不著書人名氏或云石在明州今

七矣字畫精妙見者多疑為明皇書而知其非者以其首但題御注而不云御書也碑以開元

二十七年立集古錄

唐聖主興明故魯先聖文宣王頌

唐李處祈撰并書王延徽鐫并篆額天寶九年

九月七日立復齋碑錄

唐刺史裴傲碣

唐越州刺史浙江東西節度副使王密撰集賢

院學士李陽冰篆裴公名傲代宗時為明州刺

史歲滿罷去州人為之立碑不著刻石年月集古錄

目錄

唐王密撰李陽冰篆并古文額大厯八年立建

炎中焚毀今有重刊本復齋碑錄

唐刺史裴傲紀德碣

唐王密撰八分書姓名殘缺復齋碑錄

唐董黯孝子碑

唐明州刺史崔按原作用左一作任并誤殷撰前吏部侍郎

集賢院學士徐浩書孝子後漢人名黯字叔達

句章人也和帝時殺其鄉人以報親讐召拜郎

中不受大厯中殷為刺史葺其祠宇以大厯十

二年二月立此碑集古錄目

唐刺史王密德政碑

唐浙東觀察判官李舟撰太子少師顏真卿書

國子監丞李陽冰篆額王公名密德宗初自明

州移為湖州刺史州人潘濶阮按原津等請立遺愛碑以建中二年十月立并勅書同刻勅徐

浩所書也集古錄目

唐文宣王廟碑

唐前侍御史裴碑八分書篆額貞元四年正月

旬有一日建復齋碑錄

唐南樓詩

唐陳右撰胡師模八分書元和二年十二月立

金石錄

唐天童巖寺太白禪師塔銘

唐范的撰并書元和乙未建復齋碑錄

唐移州城記

唐韓杼按類編作杼材撰韓泉正書并篆額長慶二

年歲次壬寅立復齋碑錄

唐天童巖寺碣

唐范的撰并書篆額長慶三年仲春復齋碑錄

唐清泉寺大藏經記

唐韓杼按金石錄作杼特墨池編作梓材撰并行書劉蔚篆額

大和二按原作三年九月立金石錄

唐新修文宣王廟記

唐鄭楚南按類編作蘭撰令狐驤正書篆額大和六

年二月十五日立復齋碑錄

唐封孔子為文宣王冊

唐元宗御製行書無名大和七年七月十九日

明州刺史于學友建復齋碑錄

唐阿育王寺常住田記

唐萬齊融撰范的行書大和七年十二月刺史

于學友重立元碑乃徐嶠之書復齋碑錄

唐大梅按類編作海山常祖按類編作禪師還源碑

唐江積撰并正書開成五年七月石刻錄

唐蓬萊觀碑

唐孫謙按當作諫卿撰貝靈該分書王方外篆額大

中二年六月十九日建在象山石刻錄


唐重置開元寺碑


唐陶祥撰劇歷之分書并篆額大中八年七月

立復齋碑錄

鮑君廟記

楊倫書石刻錄





温州

春秋屬越秦二漢屬會稽郡吳屬臨海郡晉明帝置永嘉郡宋齊梁陳因之隋平陳郡廢屬處州大業初屬永嘉郡唐武德五年置東嘉州貞觀元年州廢屬括州上元二年置温州天寶元年日永嘉郡石晉升靜海軍節度皇朝太平興國二年降軍事今縣四
永嘉 平陽 瑞安 樂清

唐海濤志

唐竇叔蒙撰其書六篇一曰海濤志二曰濤厓

三曰濤日時四曰濤期五曰朔望體象六曰春

秋仲月漲濤解余嚮在揚州得此志甚愛之張

于座右之壁冀於朝夕見也已而夜為風雨所

壞其後求之凡十五年而復得斯本以示京師

好事者皆云未嘗見也集古錄

海濤志濤厓濤日時濤期朔望體象春秋仲月

漲濤解凡六篇唐實叔蒙撰其說以月朧照候

濤汐之進退并寶氏濤日時疏一篇越州刺史

孟簡撰皆陶愆書朱巨題額不著刻石年月集古錄

目錄

唐仙巖四瀑布詩

路應等唱和行書貞元七年三月金石錄

唐置玉清觀制

乾寧四年諸道石刻錄

台州

春秋戰國屬越秦屬會稽郡二漢因之吳置臨海郡晉宋齊梁陳因之隋平陳郡廢屬處州後屬永嘉郡唐武德四年置海州五年改爲台州天寶元年曰臨海郡皇朝因之今縣五臨海黃巖寧海天台仙居

唐普濟寺碑

唐許敬宗撰訪碑錄

按貞觀三年詔建義以來交兵處爲隕身處陣者各立一寺曰州普濟寺乃破宋老生處也卽今山西霍州此書引入台州當由字形相近而誤

唐台州司馬韓公素真贊按地輿碑曰作韓光乘真贊

天台峯白雲撰并書先天元年刻石刻錄

唐元宗眞容應見制

開元二十九年六月一日下臨海太守賈長源刻輔崇儀八分書復齋碑錄

唐桐柏觀碑

唐祠部郎中崔尚撰翰林院學士慶王府屬韓擇木八分書天台山有廢道宮相傳以為晉葛元所居唐景雲初詔建為桐柏宮道士司馬子微營而成之碑以天寶元年三月立集古錄

唐宋德遇墓誌

唐金濟時撰正書無名元和三年石刻錄

唐天台佛隴禪林寺記

唐陳讓撰徐放書元和六年五月立在天台復齋

碑錄

唐智者大師修禪道場碑

唐梁肅撰徐放書陳修古篆額元和六年立在天台復齋碑錄

天台復齋碑錄

唐柳泌玉清行

隱居台州刺史柳泌述并書元和十四年歲在

己亥九月十五日建在天台復齋碑錄

唐柳泌題瓊台詩

總仙刺史柳泌無年月正書磨崖天台復齋碑錄

唐白郎巖記

唐王缺撰何歸儒按原分書篆額寶曆元年閏

七月八日建復齋碑錄

唐修桐柏宮碑

唐浙東團練觀察使越州刺史元稹撰并書台
州刺史顏頤篆額桐柏宮以景雲中建道士徐
靈府等重葺碑以大和四年四月立集古錄目

唐天台禪林寺智者大師畫像贊

唐顏真卿撰姪顏頤正書男汝玉篆額大和四
年冬季月建復齋碑錄

唐智者大師畫像贊按輿地碑目云大關中立

唐顏真卿撰沙門行昉入分書諸道石刻錄

唐佛窟大師碑

唐韓缺撰張抱元正書大和六年石刻錄

唐長生田記

唐顏頤按類編作頤撰何歸儒書并篆額石刻錄

唐赤城山中巖寺碑

沙門神邕撰牛僧孺書開成元年復齋碑錄

唐蒼山廟記

唐宋誠撰分書無姓名篆額會昌六年十月記

復齋碑錄

唐國清寺額

唐柳公權書大中七年八月八日僧澄觀乞額

狀及柳公權批答石刻錄

唐天台導

按原元院記

唐張仁穎撰道士葉瓊秀書道士葉孤雲分書

額文德元年十一月立復齋碑錄

漢重修法空大師塔亭碑

臣彙征奉制撰臣程延翰奉制書乾祐三年九

月六日庚午建復齋碑錄

處州

春秋戰國屬越秦屬會稽郡二漢因之
吳置臨海郡晉屬永嘉郡宋以後因之
隋開皇九年平陳置處州十二年改爲
括州大業初州廢置永嘉郡唐武德四
年復置括州天寶元年改曰縉雲郡大
曆四年避德宗名改爲處州皇朝因之

今縣
麗水 龍泉 松陽
遂昌 縉雲 青田

宋石門頌

大宋元嘉十有九年歲在壬午刊而記諸在青

田縣界復齋碑錄

唐有道先生葉國重碑

唐松陽令李邕撰并書國重道術之士字雅鎮

南陽葉縣人碑以開元五年三月立集古錄目

余集古所錄李邕書頗多最後得此碑於蔡君謨君謨善論書為余言邕之所書此最為佳也

集古錄

李邕既為撰碑而難於書法善追其魂而書之世號追魂碑其間用字多差誤是時夜艾鐘鳴李公書未畢而覺碑因存而不易續以碑示邕

邕笑曰初以為夢今果然耶葉法善傳

俗號追魂碑紹興十四年大雷碎其石刻諸道石錄

唐贈歙州刺史葉慧明碑

唐松陽令李邕撰國子監太學生韓擇木八分

書按金石錄作韓擇木撰并八分書慧明字道昭南陽人隱居

學道元宗時子法善以道術顯為鴻臚卿追贈

慧明歙州刺史碑以開元五年七月立集古錄目

唐吏隱山記

唐李陽冰篆在縉雲復齋碑錄

唐李陽冰殘碑凡數百字雖首尾不完文字缺

減而歷歷可讀其間多述山水景物其最後曰

名之曰吏隱山又曰時唐百二十九載以歲次

推之則天寶五載也集古錄目

唐淳和觀鐘銘

唐郭階撰郭陽正書乾元二年正月十五日建

復齋碑錄

唐城隍廟記

唐縉雲令李陽冰撰并篆書陽冰禱廟而雨因移建于山止碑以乾元二年八月立在縉雲縣

集古錄目

陽冰為縉雲令遭旱禱雨約以七日不雨將焚其祠既而雨遂徙廟于西山陽冰所記云城隍神祀典無之吳越有爾然今非止吳越天下皆有而縣則少也

集古錄

唐重修文宣王廟記

唐縉雲令李陽冰撰并篆陽冰為縉雲令重修

孔子廟像碑以上元二年七月刻在縉雲縣

集古

目錄

唐志歸臺銘

無刻石年月在縉雲縣

集古錄目

唐李陽冰撰并書此銘及孔子廟城隍神記三碑並在縉雲其篆刻比陽冰平生所篆最細瘦世言此三石皆活歲久漸生刻處幾合故細爾然時有數字筆法特偉勁者乃真蹟也

集古錄

集古錄云此碑及孔子廟城隍神記三碑並在縉雲其篆刻比陽冰平生所篆最細瘦世言此石皆活歲久稍生刻處幾合故細爾恐無是理

若果爾更加以歲月則遂無復有字矣此數碑皆陽冰在肅宗朝所書是時年尚少故字畫差疏瘦至大厯以後諸碑皆暮年所篆筆法愈淳勁理應如此也

金石錄

唐李氏窪樽銘

唐李陽冰撰并篆無刻石年月在縉雲

復齋碑錄

唐阮客舊居詩

唐縉雲令李陽冰撰并篆書阮客隱者也碑無

刻石年月在縉雲

集古錄目

詩云阮客今何在仙雲洞口橫人問不到處今日此中行阮客者不見其名氏蓋縉雲之隱者

也彼以遁俗爲高而終以無名于後世可謂獲其志矣然聖人有所不取也陽冰欲稱其人而不顯其名字何哉豈阮客見稱於當時而陽冰不慮于後世耶夫士固有顯聞於一時而泯沒於後世者矣顧其道如何也陽冰篆字世傳多矣此磨滅而僅存尤可惜也

集古錄

集古錄以爲陽冰作今驗其姓名乃縉雲令李蓄非陽冰也其字畫亦不工蓋陽冰肅宗上元中嘗令縉雲其篆字石刻尙多有存者故歐陽公亦誤以此詩爲陽冰作爾

金石錄

唐石門洞記

唐李陽冰篆在青田諸道石刻錄

唐石門山瀑布記并詩

唐竇公衡記并裴士淹詩并八分書後有謝靈

運邱希範詩并希範六代姪丹和詩大厯中陳

恆贊書諸道石刻錄

唐石門山記

唐刺史李秀按類編作季貞纂篆書建中四年十一

月立復齋碑錄

唐仙都山銘

唐李敬仲撰王光行書篆額貞元三年冬十月

甲申樹復齋碑錄

唐仙都山銘

唐張鶯撰正書無姓名篆額貞元三年冬十月

十日題復齋碑錄

唐孔子廟碑

唐韓愈撰任迪行書大和三年建金石錄


唐麗陽廟記

唐張碯撰張道衡正書任漢藩篆額大中九年

五月戊申朔十日丁卯建復齋碑錄

唐仙都山黃帝祠堂碑

唐袁騰撰雲遊子正書篆額咸通八年立復齋碑錄



衢州

自隋以前地理與婺州同唐武德四年
平李子通析婺州之信安置衢州以州
西三衢山為名天寶元年曰
信安郡皇朝因之今縣五
西安江山龍遊
常山開化

唐西楚霸王祠堂記

唐賀蘭進明撰賀蘭誠

按墨池編作

行書姚韓卿篆

額天寶十三年十月八日建

按金石錄無姚韓卿篆額五字此未

知所引何書

唐徐偃王廟碑

唐徐安貞撰張宙正書大曆八年十月立錄金石

唐徐偃王廟碑陰記

唐張宙撰并八分書大厯八年十月立金石錄

唐韋公鑄信安郡王登石橋詩記

詩嗣江王禕撰記嚴綬撰韋薦書并篆額貞元

三年正月九日刺史韋光輔建按原缺書名

唐徐偃王廟記

唐于臯謨撰正書無姓名貞元十年秋八月立

復齋碑錄

唐徐偃王新廟碑銘

唐邵令缺撰姚贊分書順宗永貞元年十一月

建復齋碑錄

唐遊石橋記并詩

唐刺史陸庶撰次男綜正書元和元年三月十

八日刻復齋碑錄

唐遊石橋序并詩

序謝良弼撰詩劉迴李幼卿李深謝劇羊滔撰

元和七年十二月十二日按原缺書名

唐徐偃王廟碑


唐韓愈撰元錫正書元和十年十二月立復齋碑錄

唐東武樓碑

唐崔耿撰正書無姓名會昌二年立諸道石刻錄

唐東武樓碑陰詩

東武樓新成崔耿作會昌二年九月鑄復齋碑錄



上海陸成沅校字

寶刻叢編卷第十四

海豐吳式芬校刊

宋錢塘陳思纂次

兩浙西路

臨安府

大都督府春秋屬越戰國屬楚秦屬會稽郡漢因之東漢順帝以後屬吳郡晉屬吳興吳二郡宋齊梁因之陳置錢塘郡隋開皇中郡廢置杭州大業初州廢置餘杭郡唐武德四年置杭州天寶元年曰餘杭郡皇朝升鎮海軍節度淳化五年改曰寧海軍今縣九

錢塘 仁和 餘杭 臨安 富陽
於潛 新城 鹽官 昌化

漢候鈺銘

四十二字惟下兩字缺有云新始建國元年蓋

王莽以始建國冠所改年號紹興初金州耕者
耕得之太守郭浩致于宣撫司後以進御府資古

紹志錄

候鉦四十二字缺二字王莽地皇二年所作紹
興中出於金州今在毗陵胡承公家漢器如館
陶釜甘泉內者鉦之類雖非彝鼎間古文蓋猶
是篆體獨此器所書有波畫字尤清勁與漢末
筆法無異孰謂西都隸字皆古拙乎隸續

晉關內侯廣昌長暨遜碣

咸和中湖州刺史孔彭立在餘杭訪碑錄

晉郭文碑

咸和中湖州刺史孔彭立在臨安訪碑錄

晉孝婦嚴氏碣按通志略作老

咸康六年立在餘杭訪碑錄

梁關內侯盛紹遠碑

天監中聚徒教授歿後門人立碑在餘杭訪碑錄

唐於潛縣令丁明府德政頌

唐殷亮撰并書公名君表字元章麟德二年三

月九日立諸道石刻錄

唐韋同遊富春題

分書長安二年十二月諸道石刻錄

唐龍興寺碑

唐盧季珣撰李涉八分書景龍四年四月錄金石

唐華嚴寺元覽律師碑

唐工部侍郎徐安貞撰諫議大夫褚庭誨書法師庭誨之諸父也為杭州華嚴寺僧碑以開元

二十五年八月立集古錄

唐臨安縣主簿宅記

唐陸曾分書并篆額天寶五年七月建復齋碑錄

唐前餘杭令陳允昇德政碑

唐李紆撰上元二年立在本縣內訪碑錄

唐天柱山天柱宮記

唐吳筠撰并書苗昭題額大麻五年立訪碑錄

唐徑山大覺禪師國一影堂記

唐崔元翰撰羊士諤正書貞元九年二月八日

立復齋碑錄

唐徑山大覺禪師碑

唐王穎撰王偁正書貞元十年十一月金石錄

唐內供奉道士吳筠碑

貞元十年立在餘杭西十九里天柱觀內訪碑錄

唐大覺禪師國一碑

唐崔元翰撰歸登行書并題額元和十年四月

十五日建在徑山復齋碑錄

唐胥山銘

唐杭州刺史盧按金石錄作孟元輔撰錢塘縣令王適

書山有子胥廟故以為名碑以元和十年十一

月立集古錄目

唐大覺禪師碑

唐崔元翰撰胡季按原秀良八分書并篆額寶麻

二年十一月立諸道石刻錄

唐神仙觀碑

唐盛君立撰郁文則行書篆額大和九年正月

建復齋碑錄

唐處士鍾離府君墓誌

唐吳郡沈鄩正書會昌三年十二月立在餘杭

復齋碑錄

唐大覺禪師碑

唐李吉甫撰蕭起正書大中八年十二月金石錄

唐處士吳興姚澣墓誌

大中八年九月二十四日葬錢塘復齋碑錄

唐大覺禪師塔銘按金石錄作大覺禪師碑

唐邱丹撰蕭起行書大中九年五月立金石錄

唐郭寧墓誌

唐孫因餘撰能遂書大中申立復齋碑錄

唐餘杭令劉允按通志略作元恭德政碑

在本縣內訪碑錄

唐天目山銘

在於潛縣天目山上

訪碑錄

梁新建錢塘湖廣潤龍王廟碑

錢鏐記行書篆額貞明二年丙子正月十五日

庚午建

復齋碑錄

梁新建功臣禪院記

錢鏐記貞明二年立在臨安縣

石刻錄

吳越國王錢鏐題名

梁龍德元年十一月一日天下都元帥吳越國

王鏐建置正書在南郊登聖寺磨崖

復齋碑錄

後唐開慈雲嶺路記

篆書梁單闕之歲興建龍山至湑灘之歲開慈

雲嶺蓋興建於梁貞明五年開嶺於唐同光二

年碑在慈雲嶺

復齋碑錄

後唐尙父吳越國王諡武肅神道碑

楊凝式撰翰林待詔張恭允行書郭在微篆額

長興五年正月立在臨安縣

復齋碑錄

吳越胡進思造傅大士像塔記

晉天福十年二月十一日惠龜記在郊壇側

按原

作例淨明寺

復齋碑錄

吳越王題錢明觀橋記

吳越寶正六年歲次辛卯四月八日因建錢明

觀造此石橋吳越國王復齋碑錄

吳越加甸尊勝咒幢

婺州浦江縣女弟子胡氏二娘寶大二年歲次

乙酉十一月八日建在九里松觀音寺復齋碑錄

阜亭神祠碑按本書潤州有尊勝經于僧翰書咸通五年則此亦唐刻也輿地碑目誤

作牛僧孺書

于僧翰書有刻錄


驪峯寺記


悟空師碑

吳越國王成宗安陵題

江南李主書杜牧九日登高詩

四碑並諸道石刻錄





蘇州

平江府周初封太伯為吳國春秋末為越所併戰國屬楚秦置會稽郡漢因之東漢順帝置吳郡晉宋齊梁陳皆因之陳兼置吳州隋平陳郡廢改州曰蘇州因始蘇由為名大業初州廢復置吳郡唐武德四年曰蘇州天寶元年曰吳郡南唐升為中吳軍節度皇朝太平興國三年改曰平江軍政和三年升為平江府今縣五
長洲 吳 崑山 長熟 吳江

漢外黃令高彪碑

故外黃高君碑隸額凡兩行石已損疑其上當有漢令二字紹興中吳郡取土於郭外而得之今碑在郡齋高君舉孝廉步三署令外黃受經於汝南許公受知於光祿勳楊公其舉將潁川

太守文君詣廷尉遂捐官以赴之道病而卒碣之所載頗詳獨其名字皆剝缺不可考碑云光和七年龍在困敦月次鶉火六日丙申卒蓋靈帝甲子年六月也是歲十二月改元中平又云中平二年龍游奮若月次星紀龍舒范君來典鄙邦即乙丑十月也乃是述立碑之事文苑傳有高彪字義方吳郡無錫人傳云彪為諸生遊太學有雅才而訥於言郡舉孝廉試經第一除郎中校書東觀數奏賦頌奇文因事諷諫靈帝異之第五永使督幽州百官祖餞於長樂觀皆賦詩彪獨作箴蔡邕等美其文以為莫尚也

後遷內黃令帝勅同僚臨送祖於上東門詔東觀畫像以勸學者彪到官有德政病卒詳史之所書與碑合家無錫而葬姑蘇蓋不遠也則知此乃高彪之神無疑但傳以外黃作內黃一字之誤爾

隸釋

魏鍾繇賀捷表

漢建安二十四年閏九月日上

石刻錄

晉樂毅論

永和四年書賜官奴首尾存中缺後有草書二

行

石刻錄

杜子恭墓碑

在西郭門外寰宇記

吳偏將軍凌統碑

在吳縣東北二十五里臯亭山東碑云統字公

續吳興餘杭人也志毅果敢常為先鋒寰宇記

宋湘東太守張濟女雅按古刻叢兒墓誌鈔作推

宋故臨渭縣侯湘東太守張府君諱濟第三女

雅兒春秋三十有一亡於偏憂永徽元年十月

十七日權假窆窆於西鄉復齋碑錄

梁張先師碑

梁昭明太子奉勅撰天監五年立諸道石刻錄

梁太常卿陸倕墓誌

從子襲序湘東王蕭繹銘前一半磨滅僅有姓

氏名字官爵皆不復存後有普通七年除太常

卿字以其年六月卒葬吳縣陵山鄉碑末列祖

父二兄四男名及官爵以南史考之乃陸慧按原

急曉之子陸倕也按史倕字佐公累遷至太常

卿卒復齋碑錄

隋橫山頂舍利靈塔銘

嚴德按類編盛製文魏瑗正書大業四年九月

八日立復齋碑錄

唐枯樹賦

唐褚遂良撰并書按賦乃庾信作貞觀四年十

月八日為燕國公書凡四百六十七字石刻錄

唐宏文館學士顧君墓誌

正書無書撰人姓名乾封二年三月立碑已殘
缺亡其前一段以事考之蓋顧允也允高宗朝

為宏文館學士司文郎中卒名姓附見唐書令

狐德棻傳金石錄

唐陸景倩妻徐夫人墓誌

分書無書撰人名氏景雲元年九月六日立復齋錄

唐老子道德經幢

唐明皇八分書諸道石刻錄

唐春申君廟碑

唐吳郡太守江東採訪等使趙居貞撰前廣陵

大都督府戶曹參軍集賢院待制史惟則八分

書并篆額吳郡有春申君故宮後人因以為廟

俗訛謂之城隍神居貞廣其制度更易塑像以

朱英配饗改名曰黃相廟碑以天寶十年立集古錄

唐清遠道士詩

唐顏真卿李德裕追和諸道石刻錄

唐畫龍記

唐李紳撰在長洲諸道石刻錄

唐重建龍興寺碑

唐房瑄撰序綦毋潛銘徐挺古分書貞元十四年十月十五日韋夏卿重刊立沈寧篆額復齋碑錄

唐龍興寺碑記

瑄姪孫房損述分書無姓名貞元單闕歲建卯之初日在營室以記碑陰乃貞元十五年二月也復齋碑錄

唐五龍堂記

貞元中立諸道石刻錄

唐新開常熟塘記

唐劉允文撰劉苑正書元和四年二月立金石錄

唐大德元浩和尚靈塔碑

唐崔恭撰并正書元和十四年十一月五日立

在虎邱復齋碑錄

唐包山神景觀林屋洞院記

開成三年立諸道石刻錄

唐周先生住山碑

唐令狐楚撰諸道石刻錄

唐武邱東山碑

唐陸柬之撰諸道石刻錄

唐報恩寺慧敏律師碑

陳諫撰元錫書諸道石刻錄

後梁加句尊勝陀羅尼咒

開運三年四月復齋碑錄

華山精舍記

明聖湖記

白樂天與劉禹錫書

三碑諸道石刻錄

潤州

春秋屬吳戰國屬越後屬楚秦屬會稽
郭二郡漢屬會稽郡東漢屬吳郡吳王
孫權初鎮丹徒謂之京城晉平吳置毗
陵郡宋置南東海郡及南徐州梁改郡
曰南蘭陵郡陳曰南東海郡自宋至陳
常以京口為重鎮隋平陳郡廢尉皇十
五年置潤州大業初州廢屬江都郡唐
武德三年復置潤州天寶元年改為丹
陽郡後升鎮海軍節度
皇朝改鎮江軍今縣三
丹徒 丹陽
金壇

吳季子墓十字碑

篆書凡十字曰烏乎有吳延陵季子之墓據張

從申記以為孔子書碑已埋埋元宗命殷仲容

摹搨大麻十四年潤州刺史蕭定重刻于石集古

目錄

自前世相傳以爲孔子所書據張從申記云舊石堙滅唐開元中元宗命殷仲容摹搨其書以傳然則開元之前已有本矣至大厯中蕭定又刊于石則轉相傳模失其真遠矣按孔子平生未嘗至吳以史記世家考之其歷聘諸侯南不踰楚推其歲月蹤跡未嘗過吳不得親銘季子之墓又其字特大非古簡牘所容第以其名傳之久不可遽廢故錄之以俟博識君子

集古錄

與學者談議問答是非褒貶纖悉必載其闕荒誕之說實非出於聖人而附託書之者固有之矣況於季子之賢孔子親銘其墓不應略不見稱于前世至唐而始傳也又碑銘始于東漢孔子時所未有而其字畫乃故爲奇怪以欺眩世俗者非孔子書無疑蓋好事者僞爲爾故余特爲錄之以解來者之惑後有博識之士當以余言爲然

金石錄

自前世以來傳爲孔子書故太白撰紫陽先生銘有延陵旣歿仲尼嗚呼之語字苑有云李陽冰初師嶧山碑後見仲尼季札墓刻遂變化開

闔若龍蛇蟠踞自言斯翁之後直至小生曹喜
蔡邕不足比數此碑大厯十四年蕭定再刊本
然必謂吾夫子書於何所據也

集古
後錄

瘞鶴銘

稱華陽真逸撰不著名氏本知其何時人潤州
圖經以爲王羲之書銘刻于焦山之足常没水
中人候水落時模之不過得其數字此本凡七
十字最爲多也

集古
錄目

題云華陽真逸撰刻于焦山之足常爲江水所
没好事者伺水落時模而傳之往往祇得其數
字惟余所得六百餘字獨爲多也按潤州圖經

以爲王羲之書字亦奇特然不類羲之筆法而
類顏魯公不知何人書也華陽真逸是顧況道
號今不敢遂以爲況者碑無年月不知何時疑
前後有人同此號者也

集古
錄

題華陽真逸撰莫詳其爲何代人歐陽公集古
錄云華陽真逸是顧況道號余遍檢唐史及況
文集皆無此號惟況撰湖州刺史廳記自稱華
陽山人爾不知歐陽公何所據也

金石
錄

資政邵公亢嘗就焦山下缺石考次其文如左
其不可知者闕之故差可讀然文首尾似粗可
見雖文全亦止此百餘字爾而歐陽公集古錄

謂好事者往往只得數字惟余所得六百餘字
獨爲多矣蓋印書者傳訛誤以十爲百當時所
得蓋六十餘字故云比數家本爲多此銘相傳
爲王右軍書故蘇舜欽子美詩云山陰不見換
鵝經束口新傳瘞鶴銘文忠以爲不類王法而
類顏魯公又疑是顧況之道號同又疑是王瓚
僕今審定文格字法殊類陶宏景宏景自稱華
陽隱居今日真逸者豈其別號歟又其著真誥
但云己卯歲而不著年名其他書亦爾今此銘
壬辰歲甲午歲亦不書年名此又可證云壬辰
者梁天監十一年也甲午者十三年也按隱居

天監七年東遊海嶽權駐會稽永嘉十一年始
還茅山十一年乙未歲其弟子周子良仙去爲
之作傳卽十一年十三年正在華陽矣此銘後又
有題丹陽尉山陰宰數字及唐王瓚詩字畫亦
類似瘞鶴但筆勢差弱當是效陶書故題於石
側也或以銘卽瓚書誤矣王逸少以晉惠帝大
安二年癸亥歲生年五十九至穆帝升平五年
辛酉歲卒則成帝咸和九年甲午歲逸少方年
三十二至永和七年辛亥歲年三十八始去會
稽而閒居則不應三十二年己自稱真逸也又
未官於朝及閒居時不在華陽以是考之此銘

決非右軍也審矣

朱方鶴銘陶貞白書在焦山下石頭難刊且為

水泐故字無鋒穎若掘筆書昧者從而效之深

可一笑並東觀餘論

冬日陪羣公泛舟詩

謫丹陽公按當作功曹掾王瓚在瘞鶴銘旁字畫亦

同諸道石刻錄

在瘞鶴銘旁其字畫正同蓋一人所書也題謫

丹陽公按金石錄作工曹掾而不見其名詩與書皆工

然世頗罕傳金石錄

宋文帝神道碑

太祖文皇帝之神道凡八大字而別無文辭惟

以此為表識爾古人刻碑正當如此而後世鐫

刻功德爵里世系惟恐不詳然自後漢以來門

生故吏多相與立碑頌德矣余家集古所錄三

代以來鐘鼎彝盤銘刻備有至後漢以後始有

碑文欲求前漢時碑碣卒不可得是則冢墓碑

自後漢以來始有也此碑無文疑非宋世立蓋

自漢以來碑文務載世德宋世子孫必未能超

然獨見復古簡質又南朝士人氣尚卑弱字書

工者率以纖勁清媚為佳未有偉然巨筆如此

者益疑後世所書集古錄

梁招隱刹下銘

梁晉安王蕭綱撰不著書人名氏招隱寺刹王之所建也王後即位是為簡文帝碑以普通三年九月立

集古錄目

唐荆王神廟碑

唐孫處元撰正書無姓名先天二年三月立

復齋碑錄

唐荆王神祠記

唐張文瑾撰正書無姓名先天二年八月立

復齋碑錄

唐譙郡柏氏墓誌

分書無書撰人名氏篆額開元十五年八月十日建

復齋碑錄

唐重修季子廟記

唐蕭定撰張從申正書大曆十四年八月

金石錄

唐縣令盧國遷建碑記

建中元年立在季子廟

集古錄目

唐縣令鄭播謁孔子廟題名

貞元三年

集古錄目

唐招隱寺朗然律師碑

唐柳識撰釋常靜正書并篆額建中三年撰文

貞元五年十一月七日樹碑

復齋碑錄

唐玉藥花詩

按集古錄云在荆門軍惠泉輿地碑目互見荆門軍潤州疑兩地皆有刻

也石

唐潤州刺史李德裕洪州刺史沈傳師贈答玉

藥花詩二首皆傳師書

集古錄目

唐瘞舍利記

唐李德裕撰大和三年二月十五日立

復齋碑錄

唐華中允墓誌

碑石磨滅書撰人中允名皆亡咸通八年刻

集古錄

錄

唐尊勝陀羅尼經

唐于僧翰八分書咸通五年譙郡夏穆建

集古錄目

僧翰筆畫雖過勁然失分隸之法遠矣所以錄

者亦自成一而為流俗所貴故聊著之庶知

博採之不遺爾

集古錄

唐尊勝陀羅尼經幢

在今潤州墨寶亭中唐雲陽野夫王奐之書字

畫頗為世俗所重故錄之以備廣採

集古錄

唐封忠烈公隋司徒陳君新廟碑

唐顧雲撰正書姓名殘缺篆額乾符六年十月


建

復齋碑錄

南唐重修練塘銘

呂延真述并書昇元七年刻并李華所述復練

塘頌亦延真書復齋碑錄



湖州

春秋屬吳吳滅屬越戰國屬楚秦屬會稽郡二郡漢屬會稽丹陽二郡東漢屬吳郡吳孫皓分置吳興郡晉宋齊梁陳因之梁兼置震州隋開皇九年平陳郡廢仁壽中置湖州大業初州廢屬餘杭吳二郡唐武德四年復置湖州天寶元年復置吳興郡周升為宣德軍節度皇朝景祐元年改昭慶軍今縣六烏程歸安安吉長興德清武康

漢梁相費君碑

隸書不著書撰人名氏君名汎字仲慮官至梁

相碑不載其鄉里及刻石年月集古錄目

其額題漢故梁相費君之碑碑云梁相諱汎字

仲慮此邦之人也其先季文為魯大夫有功封

費因以爲姓秦項兵起避地於此遂留家焉碑
無建立年月金石錄

漢故梁相費府君之碑篆額費君名汎堂邑令
鳳九江太守政之父也鳳以威宗熹平中卒碑
載二子所終之官此蓋其孫均所立故其銘有
穆穆顯祖之句隸釋

漢堂邑令費君碑

碑云惟熹平六年無射之月堂邑令費君寢疾
卒嗚呼哀哉於是夫人元弟允追而誄之其
後有銘詩碑所述費君事不甚詳悉而其名字
世次官秩具載於碑陰金石錄

漢故堂邑令費君之碑篆額費君名鳳字郎中
嘗宰新平故鄣堂邑三縣以靈帝熹平六年卒
其妻之弟卜君追誄之乃作此碑其後有門下
功曹題名者九人隸釋

漢堂邑令費君碑陰

漢石勳撰隸書不著名氏鳳字伯簫漢安中歷
守故鄣堂邑長勳自稱鳳舅家中孫文悉爲五
字句不著所立年月集古錄

碑云君諱鳳字伯簫梁相之元子九江太守之
長兄也其後爲五字韻語詞頗古雅而時時殘
缺不可次敘其前題君舅家中孫甘陵石勳字

子才所述云

金石錄

伯簫碑陰者石子才之所作也子才甘陵人自稱君舅家中孫瞻彼碑誄不堪哀思而敘之以詩也其詩有云中表之恩情兄弟與甥舅薦與女蘿性樂松之茂好聞君顯令名舉宗為歡喜不寤按隸釋奄忽終藏形而匿景又云策馬循大道按隸釋衰而涉洧惴惴之臨穴送君于厚土末又云一別會無期相去三千里絕澣按隸釋遠三千里而會中表之喪也今之人以貴陵賤以富忽貧薄恩敗禮喜不慶憂不弔者幾何人

也嗚呼觀此碑者情友親厚之心可以悠然而

生矣

集古後錄

費鳳別碑刻舅家中孫甘陵石勛詩一篇其辭云瞻彼碑誄懷之好音謂卜君所作也其詩先敘世系歷官繼以韻語六十句其三句六言餘皆五言石君蓋鳳之中表也所述兄弟甥舅諸姑伯姊夫人孝孫悲傷哀痛之意宛轉淒切費氏父子三碑今並列于吳興校官之壁不知者指此為碑陰趙氏亦有斯誤隸釋

陳烏程縣孝義寺塔銘并陰

釋慧景製天嘉二年立

碑陰吳興太守武陵王碑缺禎明元年八月復齋碑錄

唐尊勝經幢
沙門明逾述正書開元五年五月建諸道石刻錄

唐孝義寺碑并陰

陳人徐陵撰十世孫徐嶠之正書開元二十二年正月十五日立在烏程復齋碑錄

初陳徐陵為孝義寺碑至開元十三年陵十世孫徐嶠之為湖州刺史再書而刻之因記其事

於碑陰金石錄

徐陵文非佳而頗有內典故事又徐嶠之書有法故漫錄之東觀餘論

唐吏部常選沈待瑗墓誌

開元二十四年十二月刻復齋碑錄

唐烏程令常承慶德政碑

唐沈務本撰沈仲昌正書肅宗至德二年二月

立金石錄

唐金剛經尊勝經二石幢

唐朝議郎行河南府河陰縣主簿上柱國沈洽建太原鄔彤書乾元元年八月三十日立新增

唐宣州博士沈縉墓誌

唐韋貞按輿地碑目作卓撰正書無名乾元二年十一

月五日附于東主山在武康縣復齋碑錄

唐封孔子為文宣王詔

按以上二十二行原
復見十八卷渠州後

唐明皇撰開元二十七年下大曆四年十月一

日孫沛建王全榮行書倒薤額復齋碑錄

唐修建功德銘

唐湖州刺史蕭公創建佛室造三世佛及諸功

德等銘武康令韓章撰前衢州龍遊縣尉徐浩

書邱悌篆額大曆六年立復齋碑錄

唐立晉謝公碣

唐裴清按一本作倩撰僧道銳按類編作鏡輿地碑目作銑書大

曆七年十月十一日龍興寺沙門皎然建復齋碑錄

唐謝公碑陰

行書無書撰人姓名大曆七年十一月金石錄

按以上十一行原復
見四卷伊陽縣後

唐沈氏述祖德碑并碑陰記

碑下一半缺不見書撰人名氏按文見顏魯公集大曆

八年十二月立復齋碑錄

唐干祿字書

唐濠州刺史顏元孫撰湖州刺史顏真卿書初

元孫以字書分四聲定為正通俗三體真卿以

大曆九年正月刻石于湖州集古錄

干祿字樣別有模本文注完全可備檢用此本

刻石殘缺處多直以魯公所書真本而錄之爾魯公書刻石者多而絕少小字惟此注最小而筆力精勁可法尤宜愛惜而世俗多傳模本此以殘缺不傳獨余家藏之集古錄

唐放生池碑

唐昇州刺史浙西節度使顏真卿撰并書肅宗乾元二年使驍衛郎將史元琮詔天下自山南至浙西七道臨江置放生池八十一所真卿為天下放生池銘上之碑以大曆九年正月立集古錄

唐乞御書放生池碑額表

表顏真卿書批答唐肅宗御書表以上元元年上真卿時為刑部尚書碑以大曆九年立集古錄

唐乞御書放生池碑額表碑陰記

唐顏真卿撰并書初肅宗既許書額未及下而真卿貶碑不果立至大曆中為湖州刺史始追建於州之駱駝橋東集批答御書字以為額又序其事於批答碑陰以大曆九年立集古錄

唐射堂記

唐顏真卿撰并書碑石缺訛文理斷續其事迹

按原不可考大曆十二年四月立集古錄

唐項王碑陰述

唐顏真卿爲湖州刺史重建頊羽廟舊碑以大
曆七年五月刻記于碑陰

集古錄目

唐湖州石誌

碑字殘缺不見年月及書撰姓名驗其字畫顏

真卿書也凡湖州諸縣皆記其山川前古陵墓

集古錄目

文字殘缺其存者僅可識讀考其所記不可詳也惟其筆畫奇偉非顏魯公不能書也公忠義之節明若日月而堅若金石自可以光後世傳無窮不待其書然後不朽然公所至必有遺蹟故今處處有之唐人筆蹟見於今者惟公爲最

多視其鉅書深刻或託於山崖其用意未嘗不爲無窮計也蓋亦有趣好所樂爾其在湖州所書爲世所傳者惟干祿字書放生池碑尙多見於人家而干祿字書乃楊漢公摹本其真本以訛缺遂不復傳獨今集錄有之惟好古之士知前人用意之深則其堙沈磨滅之餘尤爲可惜者也

集古錄

唐烏程縣新陞望記

唐縣尉陳萇撰顏次公分書大曆十三年八月

二十三日記

復齋碑錄

唐茶山詩并詩述

唐湖州刺史袁高撰前滁州刺史徐璠書湖州之顧渚山歲修茶貢高為刺史感其採製之勤而作是詩其後于頔為刺史得之于壞垣為之序而刻之貞元七年立

集古錄曰

唐詩述碑陰記

唐李吉甫撰徐璠正書貞元十年正月立

金石錄

唐白蘋亭記

唐李直方撰史鎬八分書并篆額已卯歲作即

貞元十五年也

諸道石刻錄

唐義興縣重修茶舍記

史鎬八分書

訪碑錄

記云義興貢茶非舊也前此故御史大夫李棲筠實典是邦山僧有獻佳茗者會客嘗之野人陸羽以為芬香甘辣冠于他境可薦于上棲筠從之始進萬兩此其濫觴也厥後因之徵獻寢廣遂為任土之貢與常賦之邦侔矣每歲選匠徵夫至二千餘人云余嘗謂後世士大夫區區以口腹玩好之獻為愛君此與宦官宮妾之見無異而其貽患百姓有不可勝言者如貢茶至末事也而調發之擾猶如此況其甚者乎羽蓋不足道嗚呼孰謂棲筠之賢而為此乎書之可以為後來之戒且以見唐室義興貢茶自羽與

棲筠始也金石錄按趙氏僅有此跋目錄失載未詳何年所立

唐鹽官尉邱景朝墓誌

貞元十九年諸道石刻錄

唐紀功銘并將士題名

唐時佐元撰胡季按原秀良分書元和二年秋九

月李錡作亂至十月九日當州討平復齋碑錄

唐封崇孔宣父故事記

唐辛祕撰元和四年二月諸道石刻錄

唐邱氏大宗碑按輿地碑目作吳興邱氏墓碑

元和四年十月二十二日建按原缺書名

唐烏程縣新水亭記

元和四年諸道石刻錄

唐永興寺碑

元和五年諸道石刻錄

唐永興寺僧伽和尚碑

裴昉按類編作曠撰胡季良篆額費濤行書元和九

年十月二日復齋碑錄

唐尊勝經寶勝幢贊

胡季良纂并書諸道石刻錄

唐卞山普廣寺養山記

唐吳國怵撰吳士良行書吳仁傑篆額元和十

四年三月二十日建復齋碑錄

唐大明寺賢聖真道齋記

沙門鴻本書僧良建篆額大和元年十月復齋碑錄

唐德本寺碑陰按輿地碑目云在文宣王碑陰

唐胡季良摹正書無姓名大和八年立復齋碑錄

唐立吳文皇帝廟碑

唐胡季良撰凌渭書大和八年立復齋碑錄

唐智者大師靈塔題

大和九年四月二十八日復齋碑錄

唐安公令嬪吳夫人墓誌

唐處士胡季良述并書大和九年五月復齋碑錄

唐重模干祿字書

開成四年刺史楊漢公以舊本訛缺重模刻石并為記附於碑後今其本比顏魯公所刻差完

可以備用集古錄目

真卿所書乃大厯九年刻石至開成中遽已訛缺漢公以為一二工人用為衣食之業故模多

而速損者非也蓋公筆法為世楷模而字書辨正偽繆尤為學者所資故當時盛傳於世所以

模多爾豈止工人為衣食業耶今世所傳乃漢公模本而大厯真本以不完遂不復傳故余并

錄二本並藏之亦欲俾覽者知模本之多失真也集古錄

歐陽文忠言楊漢公謂此書以工人用爲衣食之業故摹多而損速者非也蓋魯公筆法爲世楷模而字書辨正僞繆尤爲學者所資故當時盛傳於世所以摹多爾豈正工人爲衣食業耶此論甚善但云漢公模本多失真則不然今觀此書精隱勁媚殊得顏真楊自以爲不差纖毫信矣然文忠又云干祿之注持重舒和而不局促余輒易之曰持重而不局促舒和而含勁氣迺盡魯公之筆意也

東觀餘論

唐新造白蘋洲五亭記

唐白居易撰馬瓚

按金石錄作瓚墨池編作瓚

正書開成四

年十月立

金石錄

唐范處士妻蔡氏墓誌

鄉貢進士李矩撰大中二年

諸道石刻錄

唐文宣王新廟碑

唐鄭言撰并書篆額大中三年

復齋碑錄

唐魯府君墓誌

大中四年

諸道石刻錄

唐陸文正墓誌

長男肱撰并正書大中十一年三月

復齋碑錄

唐處士馮湍妻金夫人墓誌

大中十二年十二月

復齋碑錄

唐姚華妻蔣夫人墓誌

大中十四年九月復齋碑錄

唐報德寺新建尊勝寶幢記

唐蕭徵撰張士暕正書咸通四年四月十六日

記在長興復齋碑錄

唐重置興國寺冥陽齋社記

沙門簡章述并書篆額咸通四年癸未八月十

九日立在烏程復齋碑錄

唐尊勝經

唐于僧翰小字八分書咸通五年諸道石刻錄

唐烏墩市古按類編作吉山索靖王廟碑

唐朱宏撰并書吳暕篆額咸通十三年歲在壬

辰四月立諸道石刻錄

唐李按原作李府君墓誌

咸通十四年五月復齋碑錄

唐三祖信心銘

沙門師立述沈威正書并篆額乾符五年正月

三十日諸道石刻錄

唐渤海高君妻彭城劉氏墓誌

乾符六年在德清復齋碑錄

唐資聖寺宣和尚塔銘

沙門蘊按類編作溫讓述楊光按類編作允中正書陳漢

温八分書額光啟三按類編年九月日葬復齋碑錄

唐衛尉少卿沈公昇仙廟碣

唐於景休撰行書光啟三年六月六日記復齋碑錄

按類編作於景休撰并分書

唐烏程縣修建廨署記

唐布衣楊夔撰并正書南嶽道士張缺賢篆額

乾寧三年正月七日建復齋碑錄

唐安定胡應夫人清河張氏墓誌

唐於景休按原作木撰正書天復四年正月復齋碑錄

唐大悲咒加句尊勝咒

天復四年諸道石刻錄


唐勅書褒戰功記


篆額行書諸道石刻錄

刺史李師悅碑

鍾離賓墓誌

顧渚山杜牧楊漢公題名三碑諸道石刻錄





常州

春秋屬吳戰國屬越後屬楚秦漢屬會稽郡東漢屬吳郡晉太康二年屬毗陵郡惠帝改曰晉陵郡宋齊梁陳因之隋平陳郡廢置常州大業初州廢置毗陵郡唐武德三年復置常州天寶元年曰晉陵郡後復曰毗陵皇朝因之今縣四晉陵武進無錫宜興

漢許司農夫人劉氏碑

司農夫人碑漢太尉許馡之室也首行有標題之文石已剝剝所存數十百字其漫漶者強半惟次行獨存故知其姓劉氏而為山陰之人其辭惟數句可讀如云體性純淑非禮不行及孫息盈房而已其云德配古列任似者以似為姒

也字畫多雜篆體所書以字全類孔宙碑其他
偏旁多與故民吳公碑中山相薛君題額相類
應劭漢官儀所載三公孝靈時有吳郡陽羨許
馘李軼漢紀光和四年馘以衛尉代劉寬爲太
尉今許氏兩墓皆在宜興而此碑猶在夫人冢
旁吳處厚青箱雜記云宜興有許馘廟其碑許
劭所作唐開元中諸孫重刻碑陰有八字云談
馬礪畢王田數七徐延休讀之曰談馬卽言午
言午許字礪畢必石卑石卑碑字王田乃千里
千里重字數七是六一六一立字今其殘碑纔
有數十字其間載許君自司農遷衛尉此文稱

劉氏爲司農夫人則銘墓時許猶未爲衛尉也
其碑在光和之前無疑臨川王厚之云其友陽
羨邵偉嘗泛舟過許氏叢冢見水濱一石舉而
察之則許君殘碑也邵遂載以歸厚之字順伯
樂古多聞山陰石臺卿亦佳士相與搜奇挾怪
裨助此書爲多續

許氏先君祖誄

許氏先君祖誄隸額六字作一行下並無一字

存在宜興

復齋碑錄

吳國山封禪碑

在宜興世謂之圉碑

諸道石刻錄

不著撰人名氏吳中書東觀令史立信中郎將

蘇建篆歸命侯天册元年得玉璽於吳興文曰

吳真皇帝遂改明年元為天璽刊石告禪於國

山之陰其所述瑞應凡千有二百餘事

集古錄目

吳國山碑者孫皓天册元年禪於國山改元天

璽因紀其所獲瑞物刊石於山陰是歲晉咸寧

元年後五年晉遂滅吳以皓昏虐其國將亡而

衆瑞並出不可勝數後世之言祥瑞者可以鑒

矣

集古錄

其前敘孫皓即位以後郡國祥瑞凡千餘言其

後云乃以涪灘之歲欽若昊天月正華元郊天

祭地紀號天璽又云丞相沈太尉瑒大司徒燮

大司空朝等以為今衆瑞畢至三表納貢九垓

八埏無不被澤率按典繇宜行禪禮紀勒天命

遂于吳興國山之陰告祭刊石以對揚乾命廣

報坤德接皓以丙申歲改元天璽碑言涪灘之

歲是也皓淫虐無道人神憤疾而羣臣方稱述

符瑞讚頌功德盖刻石後四年遂為晉所俘矣

金石錄

晉樂毅論

石在故高紳學士家紳死家人初不知惜好事

者往往就閱或模傳其本其家秘藏之漸為難

得後其子弟以真石質錢于富人而富人家失
火遂焚其石今無復有本矣益為可惜也後有
甚妙二字吾亡友聖俞書也

集古錄

石本舊藏高紳學士家集古錄云紳死其子弟
以石質錢于富人而富人家失火遂焚其石非
也元祐間余侍親官徐州時故郎中趙竦被旨
開呂梁洪孳此石隨行已斷裂用木為匣貯之
竦尤珍惜親舊有求墨本者必手摹以遺之竦
歿今遂不知所在

金石錄

高紳為湖北轉運使道中聞砧聲清遠因得此
本於其覆而已斷裂矣遂載以歸完理緝綴續

按以上十一行原復見在七卷京兆府魏三體石經跋後

以木箱所可辨者如此後世之傳布皆止於海
字則其碎而不可緝者良可惜也

李之儀

樂毅論石刻有二本其一元豐初吳人得其石
於太湖水中石缺過半背面皆有刻面十三行
背六行後題永和四年十一月二十四日書賜
官奴其上書昇僧權即梁人朱昇徐僧權也又
有草書兩行云知足下行至吳念遠離不可居
叔當西爾今十七帖中亦有此一帖然不可居
三字亦已缺不全後有小字一行云大和六年
中勒畢大和唐文宗年號疑若唐元度兄弟所

摹蓋其字勢甚類元度書故也其一卽周越法書苑所記高紳學士得其石於秣陵井中者是也凡二十九行石缺一角後兩行只有最下一字至海字止紳之子安世死于吳其家以石質錢因没入州民錢氏石已破爲數片以鐵束之當官者每令摹拓錢氏厭之給言比失火焚毀矣熙寧中吳大饑疫吾姻家趙子立以黃金買得之子立每欲摹本必躬濡紙傳石以綿帛漬墨拓之自此雖權勢皆不可得向之傳於人者益寶之矣或以爲舊傳樂毅論乃右軍親書於石其後石入昭陵朱梁時溫韜得之復傳人間

卽高氏本是也又按張彥遠法書要錄記智永云樂毅論者正書第一梁世摹出天下珍之蕭阮之徒莫不臨學又褚遂良記貞觀十二年內出樂毅論是王右軍真蹟今直宏文館馮承素模寫賜長孫無忌等六人於是在外乃有六本並筆勢精妙備盡楷則又書譜云太平公主愛樂毅論則天與之以織成錦袋盛之主敗籍没咸陽姬竊舉袖中吏覺姬投之籠中不可復得而考此數者之說未審孰是而子立所得高氏本字勢奇絕非右軍親書於石亦模真蹟而刻之者然石已破裂而字蹟稍存得者宜寶藏之

徐平甫

樂毅論淳熙癸卯歲徐仁叔持以見遺云此卽周越法書苑所記高紳學士得於秣陵井中者也紳之子安世死於吳其家以石質錢没入州民錢氏錢氏遺火石焚裂爲數片雖未甚損缺素厭州縣索取因給以不存熙寧間吳中大饑疫始出碎石求售趙子立捐黃金數十兩得之鐵掬匣藏躬自濡紙以綿帛漬墨浥取所傳於人蓋寡子立死以授徐平甫徐氏二世秘藏不以語人雖極加愛護亦日就剝落今則石面盡脫初見若不復有字側目細視僅存髣髴拓取

稍不謹石屑隨紙而起想不復能傳遠矣子立

按以上四十四行原
複見二卷東京後

名竦泉南人曾漕兩浙爲都水使者二女無子徐平甫諱康直實子立長壻仁叔名壽卿平甫孫也因以其說考之歐陽公集古錄云高紳死其子弟以石質錢于富人富人失火遂焚其石今無復有本矣趙德甫金石錄云集古云非也元祐間予侍親官徐州時故郎官趙竦被旨開呂梁洪挈此石隨行已斷裂用木匣貯之竦甚珍惜親舊有求墨本者必手模以遺之竦歿今遂不知所在蓋歐公爲質錢所給而趙德甫不

知後歸徐氏也按褚遂良右軍書目樂毅論四十四行而高紳舊本存二十九行又缺一角損者九行而最後二行止有一字至海字止字之全者三百五十七今伯仁所摹可見者一百八十九字又內二十二字不全疏瘦僅存字骨不復見運筆勢矣予先得舊本校歐陽氏所藏文忠公本分毫不異今又得此遂附其後可以見物之變遷雖金石之堅亦就泯滅也臨川王厚之

南齊紀僧真造釋迦像題

齊永明二年太歲甲子四月二十日弟子紀僧真為亡弟僧敬惠造在宜興復齋碑錄

南齊周僧徽等造像記

齊永元元年歲次己卯十二月初八日釋迦清

按以上二十二行原
複見十八卷渠州後

信弟子周僧徽僧義僧瓚僧琰等造復齋碑錄

梁許府君墓誌

郡太守河南褚翔造大同三年太歲丁巳正月

丁酉朔十九日己卯葬在宜興復齋碑錄

唐安國寺才法師碑

唐高智周撰呂保正書按類編作龍朔三年十月

諸道石
刻錄

唐立隨司徒陳公神祠碑

唐齊光義序裴遵銘陸曾按一書并篆額乾元

三年二月建石毀建炎三年重刻復齋碑錄

按文見全唐文齊光義撰序裴遵銘導乾符初官常州司錄是乾元乃乾符之訛也

唐賀蘭夫人墓誌

唐兵部尚書陸贄撰據碑前書姪曾孫贄其下字缺不完疑是贄所書也夫人河南人秘書監

陸齊望之妻封滎陽縣君碑貞元七年立集古錄目

唐立晉平西將軍周處廟碑

晉陸機撰王右軍書元和六年十一月重立在

宜興廟中復齋碑錄

唐遊善權寺詩

唐義興主簿羊士諤撰士諤門人李飛書元和

十三年刻集古錄目

唐東莞臧君夫人周氏墓誌

唐張師素撰無書人名氏元和十三年三月立

在宜興復齋碑錄

唐立隨司徒陳公捨宅造寺銘

沙門德宣撰王遂書天寶四年述元和十五年

四月建復齋碑錄

興寧寺律如瑫大師塔銘

僧張彪撰述并書寶曆元年在無錫復齋碑錄

唐瑯琊諸葛府君墓誌

大中五年十月十一日已酉在宜興復齋碑錄

隋陳司徒告身並捨宅造寺疏序

唐俞珣撰并書大中八年五月金石錄

隋大業十一年陳果仁為朝請大夫告身并果

仁妻軫靜緣捨宅造寺疏同刻皆無書人名氏

捨宅疏稱明政二年者李子通年號也集古錄

唐雅王府功曹殷繇墓誌

弟紹業撰并正書繇字舜臣大中十三年十二

月葬在宜興復齋碑錄

唐李隲惠山寺詩

詩九首并記咸通十一年五月一日無錫令孫

元恭勒石復齋碑錄

唐宿惠山寺序并詩

唐王武陵序并詩朱宿竇羣和貞元按原四年

遊元和二年竇羣重遊為記正書咸通十二年

七月縣令周邦弼刊復齋碑錄

唐再建重居寺碑

唐任字撰蔣菘分書咸通十三年二月立復齋碑錄

唐報恩安國寺浮圖銘

正書無撰人名氏篆額咸通十三年十月立在

宜興復齋碑錄

唐興道觀新建齋堂記

道士周漢賓撰并正書薤葉篆額乾符四年丁

酉七月七日丙午建復齋碑錄

唐忠烈公廟香鑪贊

沙門蘊讓述天台散人下碑錄云濮陽鵬書字

體甚怪乾符六年五月復齋碑錄

唐報恩寺宏憲大師塔銘

唐張元逸撰并書篆額中和四年五月建復齋碑錄

唐立東漢岳亭蔣澄碑

唐薛希昌八分書正書額諸道石刻錄

南唐義興縣道觀北極殿碑按天下金石志作興道觀北極殿碑

徐錯撰并八分書徐鉉篆額戊辰歲建復齋碑錄


孟簡修孟瀆記


崇勝戒壇記

善權寺重建寺勅

惠山寺尊勝幢

四碑諸道石刻錄





嚴州

春秋戰國屬越後屬楚秦屬會稽鄣二郡漢屬會稽丹陽二郡東漢屬丹陽吳二郡梁置新安郡隋平陳郡廢仁壽二年置睦州大業初州廢置遂安郡唐武德四年改睦州天寶元年曰新安郡皇朝因之今縣六建德青溪桐廬分水遂安壽昌

唐龍興寺碑

唐康希銑撰徐嶠之正書開元三年二月立石錄

唐許尊師孝廬瑞芝記

唐何源撰并書正書額上元二年歲次辛丑十

二月一日記復齋碑錄

唐遊靈巖瀑布記

按墨池編作陪封明府游靈巖瀑布泉記唐仲能撰并書

唐前濮州別駕康仲熊遊靈巖瀑布記不著書

人名氏大曆十二年刻

集古錄目

唐立嚴陵釣臺記

唐崔儒撰崔元八分書并篆額興元元年四月

景辰建

復齋碑錄

唐烏龍山有道先生許公碑

唐李師尚撰并書貞元十一年七月立公諱法

稜字道神

諸道石刻錄

唐大廳記二

有二石其一唐元和七年陸州刺史李道古撰

其一皇朝將作監丞知桐廬縣刁衍撰自唐顯

慶至中和刺史一百一十五人皇朝太平興國

中知州事二人題名書皆一體不著名氏雍熙

二年刻

集古錄目

唐立漢洛陽令方仙公碑

唐御史大夫張文成撰在青溪縣廟內


訪碑錄

城隍神記

馬目山新廟記

周堂書

三碑諸道石刻錄



秀州

春秋時吳越分境於此吳亡屬越越敗屬楚秦屬會稽郡漢因之東漢晉宋屬吳郡隋唐屬蘇州後屬杭州石晉時吳越錢氏奏置秀州皇朝因之今縣西嘉興華亭海鹽崇德

吳陸禕碑

隸書不著書撰人名氏禕字元容吳郡吳人仕

吳至征北將軍海鹽縣侯碑以東晉泰寧三年

立集古錄目

碑云禕字元容其先家於陸鄉因氏姓焉仕至

黃門侍郎封海鹽縣侯碑以晉泰寧三年立南豐

集古錄

晉陸階碑

隸書不著書撰人名氏階字公聲禕之子也東
晉初官至宣威內史前將軍碑以咸和七年六
月立

集古錄目

唐處士沈元期墓誌

乾元二年十一月九日夫人吳興邱氏合葬附

於嘉興西五十七里車口村之舊里

復齋碑錄

唐邱君

按金石錄作公

夫人虞氏石表

唐梁肅撰黎燧正書貞元十年十月

金石錄

唐寶華

按原寺碑作花

唐殿中侍御史鄒儒立撰蘇州刺史于頔書秘

書監陸齊望有女為尼曰法興齊望捨宅為寺

以居之子涓等以永貞二年正月造寺始成立

此碑

集古錄目

唐處士李巖墓誌

無書撰人姓名元和元年十二月

復齋碑錄

唐新紉法雲禪院記

唐沈珉述并行書大中十四年十月二十五日

記在華亭顧莘林市

復齋碑錄

唐朗州龍陽令褚殘墓誌

唐徐罕撰正書無名乾符六年七月

復齋碑錄

唐吳郡陸駢墓誌

中和二年九月復齋碑錄

唐光興寺記

唐譚匡合撰龍紀二年立在海鹽復齋碑錄

吳越錢鏐金山廟刻石文

復齋碑錄

江陰軍

梁分蘭陵縣置江陰郡隋平陳郡廢屬常州唐武德三年置暨州九年州廢來屬南唐置江陰軍皇朝因之今縣一江陰


唐西王母授黃帝祕訣

唐張從申書大曆四年冬復齋碑錄


唐沛郡朱夫人墓誌

唐處士丁厚之撰正書無姓名大中九年九月

二十四日庚午復齋碑錄



上海陸成沅校字



新編彙編卷一

